

Kantonalno javno komunalno preduzeće „RAD“ doo Sarajevo, ulica Paromlinska 57, Sarajevo, koga zastupa direktor Selim Babić dipl.ing.građ.(u daljem tekstu: „Naručilac radova“).

Identifikacioni broj: 4200316890001

Poreski broj: 01700105

Broj rješenja: UF/I-889/01

Transakcijski broj računa: 338-900-22080776-49 UniCredit banka d.d. Sarajevo,

i

„STEP“ d.d. Sarajevo, Halilovići br 2, 71000 Sarajevo, koga zastupa direktor Hajrić Midhat (u daljem tekstu: „Izvođač radova“)

Identifikacioni broj: 4200095860005

Poreski broj: 200095860005

Broj rješenja: 065-0-RegZ-17-005081

Transakcijski broj računa: 140-10111200429-31 SBERBANK BH d.d. Sarajevo,

zaključili su

## **U G O V O R**

o izvođenju radova javne rasvjete

### **PREDMET UGOVORA**

#### **Član 1.**

Predmet ovog Ugovora je izvođenju radova javne rasvjete, u skladu sa ponudom Izvođača radova broj 01-02-471/17 od 20.07.2017. godine koja je sastavni dio ovog Ugovora i Odlukom o rezultatima okončanog postupka javne nabavke broj 05-03-04-14607/17 od 25.07.2017. godine.

Konkurentski zahtjev za dostavu ponuda broj 83-7-3-324-3-77/17 objavljenom na portalu Agencije za javne nabavke dana 05.07.2017. godine.

### **CIJENA**

#### **Član 2.**

Cijena radova je fiksna i nepromjenjive. Fakturisanje se vrši po važećem cjenovniku Izvođača radova iskazanom u Ponudi broj 01-02-471/17 od 20.07.2017. godine koja čini sastavni dio ovog Ugovora.

Očekivana vrijednost Ugovora iznosi 50.723,70KM bez uračunatog PDV-a.

### **ROK IZVOĐENJA RADOVA**

#### **Član 3.**

Rok izvođenja radova iz člana 1. Ugovora je trideset (30) dana od dana dostavljanja pismene narudžbenice od strane Naručioca radova.

### **NAČIN PLAĆANJA**

#### **Član 4.**

Ugovorne strane su saglasne da će Naručilac radova izvršiti uplatu cijene iz člana 2. ovog Ugovora na transakcijski račun Izvođača radova, odgođeno trideset ( 30 ) dana po ispostavi fakture.

#### **Član 5.**

Obaveza plaćanja nastaje danom fakturisanja od strane Izvođača radova.

## **GARANCIJA**

### **Član 6.**

Izvođač radova je obavezan dostaviti garanciju za dobro izvršenje posla u iznosu od 10 % od vrijednosti ugovora. Rok za dostavljanje garancije je 7 dana od dana potpisivanja Ugovora.

## **GARANCIJA NA KVALITET IZVRŠENIH RADOVA**

### **Član 7.**

Izvođač radova daje garanciju od 7 (sedam) godina na izvedene radove, a koja počinje teći od dana okončanja i primopredaje radova, što će se konstatovati zapisnikom o okončanom obračunu i primopredaji radova. U toku trajanja garancije za kvalitet izvedenih radova, Izvođač će po zahtjevu Naručioca, o svom trošku preuzeti mjere popravke, u razumnom roku za ispravku navedenih propusta. Ukoliko se Izvođač ne odazove i ne otkloni nedostatke po obavjesti Naručioca, isti stiče prava bezuslovne naplate garancija, odnosno Naručilac je ovlašten da za otklanjanje nedostataka angažira drugu pravnu ili fizičku osobu i da nastalim troškovima tereti Izvođača.

### **Član 8.**

Izvođač se obavezuje obaviti sve radove koji su predmet ovog ugovora, stručno i kvalitetno, u skladu s pravilima struke, tehničkim rješenjima i uputama iz projektne dokumentacije kao i ostale dokumentacije, koja čini sastavni dio ovog ugovora. Izvođač je dužan omogućiti stalni nadzor nad radovima i postupiti po uputama nadzornog organa.

Izvođač ne smije odstupiti od projekta, osim u slučaju da se s tim Naručilac pismeno saglasi. Ako Izvođač odstupa od projekta bez pismene saglasnosti Naručioca, nema pravo na povećanje ugovorene cijene za radove što ih je izveo bez takve saglasnosti.

### **Član 9.**

Nadzorni organ imenovan od strane Ugovornog organa ima pravo pristupa i nadzora nad radovima.

Nadzor nad izvođenjem radova sastoji se od kontrole ispunjavanja ugovornih obaveza izvođača radova i poduzimanja odgovarajućih mjera za realizaciju tih obaveza. Nadzor u pogledu ispunjenja ugovornih obaveza sastoji se osobito od kontrole:

- količina radova,
- održavanja rokova izvođenja radova,
- izvođenje radova prema tehničkoj dokumentaciji,
- kvalitete radova.

### **Član 10.**

Nadzorni organ ima pravo uvida u svu potrebnu dokumentaciju u okviru kontrole ispunjenja ugovornih obaveza izvođača.

Nadzorni organ ima pravo narediti da se u primjerenom roku otklone svi uočeni nedostaci, kao i narediti obustavu izvođenja pojedinih radova koji se izvođe nekvalitetno ili na drugi način odstupaju od odredbi ugovora, ako bi nastavljanje izvođenja tih radova, moglo izazvati teže posljedice. Nadzorni organ može narediti i rušenje, odnosno, otklanjanje pojedinih nekvalitetnih radova ili onih koji na drugi način bitno odstupaju od ugovora ako se ti radovi ni naknadno ne mogu uskladiti sa zahtjevima ugovora.

Nadzorni organ nema pravo naručiti radove koji nisu ugovoreni, mjenjati cijene, ili osloboditi izvođača od pojedinih ugovorenih obaveza, ukoliko za to nema pisano ovlaštenje od naručioca.

Nadzorni organ može u slučaju potrebe, a u svrhu zaštite života, izvedenih radova i drugih materijalnih dobara narediti izvođaču da izvede potrebne radove i poduzme mjere koje su po njegovoj ocjeni neophodne za otklanjanje opasnosti.

Izvođač je dužan provesti nalog nadzornog organa.

Nadzor se provodi svakodnevno, a dinamika i ažurnost nadzora mora biti u skladu s dinamikom izvođenja radova.

Propusti nadzornog organa u provođenju nadzora ne oslobađaju izvođača od odgovornosti.

**Član 11.**

Materijal i potrebna oprema za radove javne rasvjete iz člana 1. ovog ugovora mora odgovarati važećim standardima.

**Član 12.**

Danom završetka ugovorenih radova smatra se dan uspješno obavljene primopredaje radova. Ako se primopredaja ne može obaviti u zakazanom roku iz razloga za koje izvođač nije odgovoran, dan završetka ugovorenih radova smatra se zajednički planiran datum primopredaje.

Primopredaja se smatra uspješno obavljenom ako u zapisniku nema uslovnih primjedbi na ugovorom predviđene radove.

**Član 13.**

U slučaju nekvalitetnog ili neblagovremenog izvršenja ugovorenih obaveza, izvođač je u obavezi da nadoknadi štetu naručiocu i obrnuto.

**Član 14.**

Sve eventualne sporove, ugovorene strane će rješavati sprazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

**Član 15.**

Ugovor je sačinjen u 6 (šest) jednakih primjeraka, od čega po 2 (dva) pripadaju Izvođaču radova 4 (četiri) Naručiocu.

**Član 16.**

Ugovor stupa na snagu danom potpisivanja i traje do momenta izvršenja obaveza koje su predmet ovog Ugovora.

**„STEP“ d.d. Sarajevo  
Direktor  
Hajrić Midhat**

**KJKP”RAD”d.o.o.Sarajevo  
Direktor  
Selim Babić dipl.ing.grad.**

**SUPOTPISNIK UGOVORA**

**Predsjednik Nadzornog odbora**

**Broj: 05-03-04-15100/17**

**Dana, 04.08.2017.godine**

